



ՀԱՍՏԱՏՈՒՄ ԵՄ՝

Շրջակա միջավայրի նախարար
Հ. Սիմիդյան

« 01 » 04 2022թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0029 - 22

Ձեռնարկողը՝

«Պեպրոսյան Մայնինգ» ՍՊԸ

Գ. Լեռնաձոր, 1 թաղ., փ. 2

Գործունեությունը՝ Լեռնաձորի ավազակոպճային խառնուրդի հանքավայրի
օգտակար հանածոյի արդյունահանման շրջակա
միջավայրի վրա ազդեցության գնահատման
հաշվեկշիռություն
Սյունիքի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Խ. Մարտիրոսյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ _____

< 01 > 04 2022թ.

Լեռնաձորի ավազակոպճային խառնուրդի հանքավայրի օգտակար հանածոյի արդյունահանման շրջակա միջավայրի վրա ազդեցության գնահատման հաշվետվություն

Ձեռնարկող՝

«Պետրոսյան Մայնինգ» ՍՊԸ

Ներկայացված նյութեր՝

Շրջակա միջավայրի վրա ազդեցության
գնահատման հաշվետվություն
/Ա կատեգորիա/

Գտնվելու վայրը՝

Սյունիքի մարզ, Լեռնաձոր բնակավայր

Ներածական մաս. Լեռնաձորի ավազակոպճային խառնուրդի հանքավայրը գտնվում է Սյունիքի մարզի Քաջարան համայնքի Լեռնաձոր գյուղի վարչական տարածքում, Ողջի գետի ողողահունում և զբաղեցնում է մոտ 0.31հա տարածք, 1456.0-1458.0մ բացարձակ բարձրությունների վրա: Գործունեության ենթակա հողերի նպատակային և գործառնական նշանակությունը գյուղատնտեսական նշանակության արտավայրեր:

Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի, 4-րդ մասի, 2)-րդ կետի գ. ենթակետի՝ դասակարգվում է «Ա» կատեգորիայի գործունեության տեսակ:

Նկարագրական մաս. Հանքավայրի պաշարները 2020թ. նոյեմբերի 1-ի դրությամբ, հաստատվել են ՀՀ տարածքային կառավարման և ենթակառուցվածքների նախարարի 2021թվականի ապրիլի 12-ի թիվ 469-Ա հրամանով, հիմք ընդունելով նախարարության պետական ընդերքաբանական փորձաքննության հանձնաժողովի 2021 թվականի ապրիլի 6-ի N19 փորձագիտական եզրակացությունը: Տեղամասի ավազների C1 կարգի հետախուզված ստատիկ պաշարները կազմում են 14.82հազ.մ³, իսկ տարեկան ցիկլում վերականգնվող պաշարները գնահատվել են 14.82հազ.մ³ /տարի ընդհանուր և 49.4մ³/հա տարի տեսակարար քանակություններով: Լեռնաձորի հանքավայրի ավազները լիովին բավարարում են համապատասխանաբար «Ավազ շինարարական աշխատանքների համար» 8736-2014 և «Խիճ և կոպիճ խիտ լեռնային ապարներից շինարարական աշխատանքների համար» 8267-95 ՀՍ ԴՕՇ-երի տեխնիկական պահանջներին, որոնք իրենց ճառագայթահիգիենիկ հատկություններով կարող են օգտագործվել շինարարության մեջ առանց սահմանափակումների:



Լեռնատեխնիկական բարենպաստ պայմանները հնարավորություն են տալիս հանքավայրը մշակել բաց լեռնային աշխատանքներով:

Լեռնաձորի ԱԿԽ-ի հանաքավայրի սահմանները եզրագծվում են հետևյալ ARM WGS-84 կոորդինատներով

X	Y
1. 4337634	8604999
2. 4337657	8605069
3. 4337699	8605133
4. 4337661	8605149
5. 4337644	8605075
6. 4337621	8605005

Սույն նախագծով նախատեսվում է՝

- օգտակար հանածոյի հաշվեկշռային պաշարները կազմում են 296.4հազ.մ³, ընդ որում՝ ստատակ՝ 14820հազ.մ³, դինամիկ վերականգնվող՝ 281.58հազ.մ³,
- պաշարների վերականգնման գործակիցը՝ ընդունված է 1 միավոր,
- օգտակար հանածոյի կորզվող պաշարները – 258.0հազ.մ³, ընդ որում՝ ստատիկ 12900մ³, դինամիկ վերականգնվող՝ 245.1հազ.մ³:

Բացահանքը վերջնական դիրքում ունի հետևյալ պարամետրերը.

- ամենամեծ երկարությունը – 149մ,
- ամենամեծ լայնությունը – 41մ,
- ամենամեծ խորությունը – 5.1մ,
- օտարման տարածքը - 0.31հա:

Յուրաքանչյուր տարի սեզոնի սկզբում անհրաժեշտ է կատարել հետևյալ լեռնանախապատրաստական աշխատանքները.

- բացահանքի հարավ-արևելյան մասից ջրահեռացման առվի կառուցում:

- օգտակար հաստաշերտի մակերևույթին տրանսպորտային սարքավորումների և էքսկավատորի շարժման ուղեծրով ՈԾՋ-32 մակնիշի փոխադրվող երկաթբետոնե տիպային սալիկների տեղադրում:

Բացահանքի հիմնական տեխնոլոգիական սարքավորումներն են

- էքսկավատոր- ՅՕ-4121 - բուլդոզեր T -170,
- ավտոինքնաթափ HOWO SINOTRUK: Բացահանքի աշխատողների թիվը 6 մարդ:

Օգտակար հաստաշերտի արդյունահանման ժամանակ նախագծային կորուստները որոշված են ըստ 2 խմբերի.

- Ընդհանուր բացահանքային կորուստներ, դրանք այն կորուստներն են, որոնք մնում են բացահանքի կողերի շեպերի բնամասերում: Այդ կորուստները հաշվարկված են 1600մ³ կամ 10.79%:

- Շահագործողական կորուստներ, այդ կորուստները պայմանավորված են.

- օգտակար հանածոն հիմնատակող կավային ապարների աղտոտումից զերծ պահելու համար բացահանքի հատակում մոտ 10սմ օգտակար հանածոյի շերտ թողնելու հետ, այդ կորուստները կազմում են մոտ 320մ³ կամ 2.16%:



Ընդամենը կորուստները կազմում են 1920մ³ կամ 12.95%:

Քանի որ, օգտակար հաստաշերտը ունի համարյա հորիզոնական տեղադրում և կայուն հզորություն, հանքաշերտի բացումը կատարվում է բացահանքային դաշտի արևելյան մասից (ամենացածր նիշը) ընդլայնական կտրող խրամի անցումով: Կտրող խրամի պարամետրերն են՝ լայնությունը հիմքի մասում ընդունված է 2.0մ, միջին խորությունը – 4.7մ: Կտրող խրամի երկարությունը կազմում է 39.0մ: Զրիեռացման առվի կառուցում՝ 33մ երկարությամբ՝ բացահանքի հարավ արևելյան մասից: Կտրող խրամի անցումը կատարվում է 1.0մ³ շերտփի տարողությամբ հակառակ բահով սարքավորված-ՅՕ-4121 մակնիշի էքսկավատորով:

ԱԿԽ-ի հանքավայրը գետաողողատային տիպի հանքավայր է և ներկայացված է ավազակոպճային ապարների ժամանակակից հունային նստվածքներով: Օգտակար կուտակը ծածկող ժամանակակից մակաբացման առաջացումները բացահանքի տարածքում բացակայում են և լցակույտառաջացում չի նախատեսվում:

Ավազակոպճային խառնուրդի արդյունահանման աշխատանքները կատարվում է դեպի ներքև շերտփման եղանակով, 1.0մ³ շերտփի տարողությամբ հակառակ բահով սարքավորված ՅՕ-4121 մակնիշի էքսկավատորով: Նախ կատարվում է օգտակար հանածոյի արդյունահանում և կուտակում օգտակար հաստաշերտի մակերևույթին (առաստաղին)՝ օգտակար հանածոյի ջրազրկման նպատակով, որից հետո իրականացվելու է ջրազրկված օգտակար հանածոյի կույտի բարձումը նույն ՅՕ-4121 մակնիշի բեռնիչի շերտփով տրանսպորտային միջոցների մեջ: Շերտփման խորությունը էքսկավատորի ծայրային անցման դեպքում կազմում է 10.0մ, որը լիովին բավարարում է օգտակար հաստաշերտը մեկ աստիճանով մշակելու համար:

Էքսկավատորի հետ օժանդակ աշխատանքները կատարելու համար անհրաժեշտ է նաև 1 բուլդոզեր:

Արդյունահանված ավազակոպճային խառնուրդի տեղափոխումը լվացման նպատակով նախատեսվում է 0.5կմ հեռավորության վրա:

Մակաբացման ապարների բացահանքում բացակայում են: Արդյունահանված ավազի տեղափոխումը կատարվում է, մինչև 0.5կմ միջին հեռավորության վրա գտնվող լվացող դասակարգիչ կայան կատարվում է - HOWO SINOTRUK մակնիշի ավտոինքնաթափի միջոցով:

Քանի որ գարնանային վարարաջրերի ժամանակ կարող է առաջացնել էկոլոգիական աղետներ, ապա ամեն տարի սեզոնի սկզբում, արդյունահանման աշխատանքները սկսելուց առաջ անհրաժեշտ է գետահունների մաքրում բերվածքներից:

Լեռնային աշխատանքների կազմակերպման և ավազների արդյունահանումն իրագործելու համար անհրաժեշտ է կատարել հետևյալ աշխատանքներ՝ դրենաժային (ցամաքեցման) առվի կառուցում բացահանքի հարավ արևելյան մասից -33մ երկարությամբ (185մ 3), թեքությունը 5%, ինչպես նաև տիպային՝ ՈՋԵ-32 մակնիշի փոխադրվող երկաթբետոնյա սալիկների տեղադրումը (1.5x0.5մ) չափերի, լեռնատրանսպորտային սարքավորումները բնահողի մեջ չխրվելու և տեղապտույտ չտալու համար:

Հանքավայրը ծածկող ժամանակակից մակաբացման առաջացումներ չունի, որի պատճառով բացառվում է թափոնառաջացումը և դրանց համար լրացուցիչ տարածքների օտարման անհրաժեշտությունը:

Բացահանքում խմելու ջուր բերվում է ՍԿ-ԵԱԵ -1.4 մակնիշի կցովի ջրի ցիստեռնով: Տեխնիկական ջուրը կպահանջվի բացահանքի սահմաններից դուրս ավտոճանապարհները ջրելու համար: Տեխնիկական ջուրը բերվում է ջրցան ավտոմեքենայով:



Ջրային ռեսուրսների աղտոտում տեղի չի ունենա, քանի որ արդյունահանման աշխատանքների ժամանակ կթողնվի 10մ լայնությամբ ափապաշտպան շերտ և լեռնային աշխատանքների տեխնոլոգիայով արտահոսքեր չեն նախատեսվում:

Հանքավայրում բոլոր լեռնային աշխատանքները պետք է կատարվեն բաց եղանակով մշակվող հանքերի գործող անվտանգության միասնական կանոններին /ԱՄԿ/ և հանքավայրերի շահագործման տեխնիկական նորմերին /ՇՏԿ/ խստիվ համապատասխան:

Քանի, որ հանքավայրի պաշարները վերականգնվող են հանքավայրի շահագործումից հետո բացահանքի խախտված տարածքները կվերականգնվեն ինքնուրույն գետի վարարումների ժամանակ: Շահագործման ավարտից հետո նախատեսվում է աշխատանքային հրապարակի հարթեցում, որի մակերեսն է 1500մ²: Կհարթեցվի նաև արդյունաբերական հրապարակը՝ 250մ², և ավտոճանապարհները 222մ² մակերեսով: Հարթեցման ընդհանուր մակերեսը կկազմի՝ 1972մ² /0.197հա/: Հարթեցումը կկատարվի բուլդոզերի օգնությամբ: Խախտված տարածքների լեռնատեխնիկական վերականգնման /հարթեցման/ վրա կծախսվի 307.7հազ. դրամ:

Հայցվող տարածքի նախնական դաշտային ուսումնասիրության ժամանակ ՀՀ բույսերի և կենդանիների կարմիր գրքերում գրանցված տեսակներ ինչպես նաև դրանց աճելա և ապրելավայրեր չեն հայտնաբերվել:

Բուն Լեռնաձորի ԱԿԽ հանքավայրի տարածքում բնության հատուկ պահպանվող տարածքներ, որտեղ իրականացվում է վտանգված էկոհամակարգերի պահպանություն, չկան:

Ավազակոպճային խառնուրդի հանքավայրը գտնվում է հուշարձաններից զգալի հեռավորության վրա, արդյունահանման աշխատանքները կատարվելու են առանց պայթեցման աշխատանքների, հետևաբար չեն կարող բացասաբար անդրադառնալ պատմամշակութային հուշարձանների իրավիճակի վրա: Հանքարդյունահանման համար հայցվող տարածքը պատմամշակութային գրանցված կոթողներից գտնվում է նվազագույնը 1.2կմ հեռավորության վրա:

Շրջակա միջավայրի վրա բացասական ազդեցության կանխարգելմանն ու մեղմացմանն ուղղված մշտադիտարկումների իրականացման նպատակով նախատեսվում է տարեկան մասնահանել 100.0 հազ.դրամ:

Ընդհանուր տնտեսական վնասը կկազմի՝ 247.319հազ. դրամ:

Շրջակա միջավայրի բաղադրիչների վրա վնասակար ազդեցության մեղմացման/վերացման նպատակով նախատեսվում են հետևյալ բնապահպանական միջոցառումները.

- նավթամթերքների պահեստավորում և պահում արտադրական հրապարակում հատուկ հատկացված տեղում (բացօթյա կամ ծածկի տակ պահեստ), որին տրվում է համապատասխան թեքություն, որն ապահովում է թափված նավթամթերքների հոսքը դեպի այն հավաքող բետոնապատված փոսը,

- հնամաշ դետալների ու մասերի հավաքում հատկացված առանձին տեղում և հանձնում որպես մետաղական ջարդոն,

- տեխնիկա-տրանսպորտային միջոցների ընթացիկ վերանորոգումները պետք է կատարել միայն այդ նպատակով նախատեսված հարթակներում,

- արտանետվող նյութերի չեզոքացուցիչ սարքերի տեղադրում մեխանիզմների վրա,



- փոշենստեցման նպատակով փոշեառաջացման օջախների (աշխատանքային հրապարակները, հանքախորշերը, լցակույտերը, մուտքային և դեպի լցակույտեր տանող ավտոճանապարհը և այլն) ինտենսիվ ջրում տարվա չոր և շոգ եղանակներին,

- Կեղտաջրերի հավաքում հորատիպ զուգարանում, որը հետագայում դատարկում են հատուկ ծառայության ուժերով,

- օգտագործված յուղերի ու քսայուղերի հավաքում առանձին տարաների մեջ՝ հետագա ուտիլիզացման կամ հնարավորություն ստեղծվելու դեպքում՝ երկրորդական վերամշակման համար,

- հնամաշ դետալների ու մասերի հավաքում հատկացված առանձին տեղում և հանձնվում որպես մետաղական ջարդոն,

- կենցաղային աղբի տեղափոխվում մոտակա աղբահավաք կետեր, համաձայնեցնելով համայնքապետարանի հետ,

- կեղտաջրերի հավաքում հորատիպ զուգարանում, որը հետագայում դատարկում են հատուկ ծառայության ուժերով,

- նախատեսվում են կենսաբազմազանության՝ բուսական և կենդանական աշխարհի պահպանությանն ուղղված միջոցառումներ,

Հանքավայրի շահագործման ընթացքում իրականացվելու է շրջակա միջավայրի վրա բացասական ազդեցության կանխարգելմանն ու մեղմացմանն ուղղված հետևյալ մշտադիտարկումները.

-մթնոլորտային օդ կատարվող աղտոտող նյութերի արտանետումների որակական և քանակական պարամետրերի պարբերական չափումներ բացահանքի տարածքում ավտոճանապարհներին, արտադրական հրապարակի տարածքում՝ հունիս սեպտեմբեր ամիսներին (շոգ և քիչ տեղումներով եղանակին)՝ յուրաքանչյուր շաբաթը մեկ անգամ:

- Լեռնատրանսպորտային սարքավորումների աշխատանքային վիճակի՝ մասնավորապես չեզոքացուցիչ սարքավորումների սարքին վիճակի պարբերական մշտադիտարկումներ՝ տարին մեկ անգամ հաճախականությամբ,

- օգտագործված մեքենայական յուղերով, քսայուղերով և այլ աղտոտիչ նյութերով արտադրական հրապարակի և մոտեցնող ճանապարհի շրջակայքի հողերի հնարավոր աղտոտումից խուսափելու նպատակով հողերի աղտոտվածության մշտադիտարկումներ՝ տարեկան մեկ անգամ հաճախականությամբ,

- գետի ափերի և ջրերի որակի մոնիտորին,

- Վայրի բնություն, կենսամիջավայր, կարմիր գրքում ընդգրկված, էնդեմիկ տեսակներ:

Պատճառաբանական մաս. Սյունիքի մարզի Լեռնաձոր բնակավայրում օրենսդրությամբ սահմանված կարգով, իրականացվել են հանրային քննարկումներ, որոնց ընթացքում տեղական ինքնակառավարման մարմինները և հասարակությունը հավանություն են տվել նախատեսվող գործունեությանը: Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության, արտակարգ իրավիճակների, կրթության, գիտության, մշակույթի և սպորտի, նախարարությունները, կադաստրի կոմիտեն, ինչպես նաև Սյունիքի մարզպետարանը: Ծրագրի իրականացման արդյունքում շրջակա միջավայրի վրա հնարավոր բացասական ազդեցությունները հիմնականում պայմանավորված կլինեն աշխատանքների իրականացմամբ, որոնք կկրեն ժամանակավոր բնույթ և ազդեցությունները կլինեն թույլատրելի նորմայի սահմաններում:



Փորձաքննական պահանջներ

- Հանքարդյունահանման աշխատանքների իրականացման ընթացքում անհրաժեշտ է առաջնորդվել ՀՀ կառավարության 22 փետրվարի 2018 թվականի 191-Ն որոշման պահանջներով, շրջակա միջավայրի բաղադրիչների /մթնոլորտայի օդ, հողային ծածկույթ, կենսաբազմազանություն/ մշտադիտարկումների արդյունքների տարեկան հաշվետվությունը նշված որոշմամբ սահմանված ժամկետներում և ձևաչափով ներկայացնել լիազոր մարմին:

- Հանքավայրի շահագործման ընթացքում անհրաժեշտ է ապահովել և պահպանել բնապահպանական կառավարման պլանում և մշտադիտարկման ծրագրում նախատեսված միջոցառումների իրականացումը:

- Անհրաժեշտ է ապահովել հաշվետվությունում ամրագրված ռեկուլտիվացիայի աշխատանքների իրականացումը:

- Բացահանքի աշխատանքային գործընթացում ներգրավել համայնքի և մոտակա համայնքների բնակիչներին, ինչպես նաև համայնքի ղեկավարության հետ քննարկել անհրաժեշտ օգնության ծրագրեր և համապատասխան ֆինանսական ներդրումներ կատարել համայնքային բյուջե:

-Քանի որ գարնանային վարարաջրերի ժամանակ կարող է առաջանալ էկոլոգիական աղետներ, ապա ամեն տարի սեզոնի սկզբում, արդյունահանման աշխատանքները սկսելուց առաջ անհրաժեշտ է գետնահունների մաքրում բերվածքներից:

- Անհրաժեշտ է դրենաժային (ցամաքեցման) առվի կառուցում բացահանքի հարավ արևմտյան մասից -33մ երկարությամբ (170մ³), թեքությունը 5%:

Պետք է ցանկապատվեն տեղամասի վերջնական եզրագծի սահմանները: Լեռնատրանսպորտային սարքավորումները պետք է թույլ տան աշխատել միայն այն դեպքում, եթե նրանք սարքին են:

- ՀՀ կառավարության 2002 թվականի ապրիլի 20-ի «Պատմության և մշակույթի անշարժ հուշարձանների պետական հաշվառման, ուսումնասիրման, պահպանության, ամրակայման, նորոգման, վերականգնման և օգտագործման կարգը հաստատելու մասին» N438 որոշմամբ հաստատված կարգի 43-րդ կետի համաձայն, աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից անհրաժեշտ է դադարեցնել աշխատանքները և դրա մասին անհապաղ տեղեկացնել լիազորված մարմին՝ համապատասխան պահպանական միջոցառումներ իրականացնելու համար:

- Աշխատանքների կատարման ընթացքում անհրաժեշտ է պահպանել առողջապահության նախարարի 2012 թվականի սեպտեմբերի 19-ի թիվ 15-Ն հրամանով հաստատված սանիտարական կանոնների և նորմերի պահանջները:



ԵԶՐԱՓԱԿԻՉ ՄԱՍ

«Պետրոսյան Մայնինգ» ՍՊ ընկերության կողմից ներկայացված Սյունիքի մարզի Լեռնաձորի ավազակոպճային խառնուրդի հանքավայրի օգտակար հանածոյի արդյունահանման շրջակա միջավայրի վրա ազդեցության գնահատման հաշվետվության վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի գլխ. մասնագետ  Հ. Մետրոսյան

